

四明叢書

張宗祥



四明文獻集

四明張氏約園開雕

序

宋王厚齋尙書爲吾鄉同宗大儒以詞科起家文學爲兩宋大家之殿全集一百卷在元時子孫析產各分如干卷以至散佚明初鄭教授真輯四明文獻集中五卷爲尙書文四庫提要言全集久佚所著錄者卽此五卷本也道光九年鄞縣葉氏有刻本附摭餘三卷年譜一卷至道光庚子版亦燬於兵火卽葉刻亦稀如晨星矣今年梁節堪京卿爲假得烏程劉翰怡京卿所藏江都秦氏寫本取以相校凡異文皆條注於本字之下緬惟

尙書詩文世既不可得見殘編斷簡得勿寶此以存什
一於千百乎後有以尙書全集見眎者則此編爲其先
導焉可也太歲在乙卯十二月建原起敦仁和王存著

王厚齋先生小傳

四明文獻集

鄭真

王應麟字伯厚號深寧居士慶元人九歲通六經十六歲從鄉先生吳參倚游復從王埜受學得呂成公眞文忠之傳淳祐元年舉進士爲西安主簿調浙西提舉常平茶鹽主管帳司調揚州教授寶祐四年中博學宏詞科添差浙西安撫司幹辦公事遷國子學錄進武學博士遷太常寺簿通判台州召爲太常博士擢祕書郎俄兼沂靖惠王府教授彗星見應詔極論執政侍從臺諫之罪積私財行公田之害遷著作佐郎度宗卽位攝禮

部郎撰百官表操筆立就授兼禮部郎官兼攝學士院
俄兼權直兼崇政殿說書遷著作郎守軍器少監轉對
擢兼侍立修注官遷祕書少監兼侍講遷起居舍人兼
權中書舍人牒閣門直前奏事謂用人莫先察君子小
人袖疏侍班臺臣亟駁之由是二史直前之制遂廢出
知徽州召爲祕書監權中書舍人遷起居郎兼權吏部
侍郎以母憂去德祐改元授中書舍人兼直學士引疏
陳十事進兼侍讀遷禮部侍郎日食應詔言答天戒五
事陳備禦十策皆不及用轉尙書兼給事中左丞相留

夢炎用徐囊爲御史擢江西制置使黃萬石等繳奏論
囊與夢炎同鄉有私人之嫌萬石龔戾無學南昌失守
誤國罪大夢炎舛令愎諫今之賣降者多其任用之士
疏入不報出關俟命以翰林學士召力辭東歸家居凡
二十年著書三十餘種惟玉海盛行於世學者稱爲厚
齋先生

序

壽鏞幼侍先公讀先公方補注困學紀聞書端題綴殆徧詔小子曰此吾鄉深寧王先生著述之一也且曰先生少沐吏部公之教實出史獨善而上接陸氏之傳既從游王子文樓迂齋及湯東澗乃又兼承朱呂之學其師承淵源章章可考者若此而其成就則又卓卓幾巍高密紫陽所著書逾三十種雖亡佚近半其存者今猶不少概見然當先生時舉世以文章歸之詔誥典策半出其手實未足以盡先生也先生學行盡在困學紀聞

汝其誌之忽忽四十餘年矣先公補注者尙未及刊而重刊先生文集先生之出處其自所爲墓志言之詳矣乃宋史載先生晚節失實考宋亡時先生先已東歸載在本傳宋社旣屋杜門里居課子肆力撰述從游之士於是始眾所著書多成於鼎遷以後然則所謂棄位而遁以辭服於賊者皆小人之淫辭也世安有蒙媿恥求活之王深寧哉不解宋史何所據而入傳且先生早歲以博學宏詞自詭旣乃究心天下得失大事旣壞不可收拾猶疏陳十事期挽救於萬一旣明知必無可爲始

浩然歸去重理舊業五十而學易垂老而著書以遺民
終豈復有可疑竊謂使先生文集盡見於世必有足以
昭示萬禩者文集凡百卷世傳元時析產割裂散佚頗
疑其間必多忌諱之作而子孫燬之耳不然百卷之集
僅存五卷二十而存一無是理也吾鄉學者代不乏人
而文獻佚喪顧乃獨多而先生與萬先生季野之文亡
佚尤眾豈非遭際之不幸哉壽鏞旣得朱竹垞舊藏四
明文獻集及葉氏所輯撫餘編謹校而重刊之且敘其
大要如此以質於知言君子且以誌先公所以拳拳服

膺於先生者蓋有由也民國二十一年十月後學張壽鏞序

四明文獻集目錄

卷一 記序跋

周山川圖記

漢百官朝會殿記

唐七學記

慶元府學重建大成殿記

慶元路重建儒學記

慈湖書院記

廣平書院記

先賢祠堂記

奉化社稷壇記

德潤齋記

天禧編御集序

詩考語略序

跋袁絜齋答舒和仲書

卷二 赦文 詔

咸淳三年郊祀大禮赦文首詞

尾詞

德祐元年明堂大禮赦文首詞

尾詞

舉廉吏詔

舉將帥詔

科舉詔

日食求言詔

資政殿學士江萬里再上表辭免同知樞密院事
不允斷來章批答詔

賜文天祥辭免依舊權工部尙書都督府參贊軍

事江西安撫使除浙西江東制置使知平江不
允詔

賜顯謨閣直學士兩淮安撫制置使知揚州李庭
芝築城獎諭詔

賜呂文德收復開州江面肅清獎諭詔

賜淮西制置大使夏貴獎諭詔

賜淮東制置大使李庭芝獎諭詔

賜知夔州張起巖獎諭詔

賜李庭芝獎諭詔

責諭賈似道歸里終喪詔

勉諭江西制置大使黃萬石置司隆興府詔

賜利西路安撫副使兼知涪州楊立詔

賜四川制置副使兼知重慶府張珪詔

賜咎萬壽詔

賜左相陳宜中勉諭造闕詔

再賜陳宜中詔

勉諭王爚陳宜中詔

賜夏貴詔